

1990 yili chiqqan maqolaga izoh...

Juda alomat bir zamon, shoro saltanati tagidan ketgan, lekin hali loshi ozini tutib turgan, men endi qirchillama yoshga otgan, hozirimga qaraganda ham, siyosat bobida ham yosh bir yigit edim.

Ana shu payti Jomboy tumanidagi ikki okrugning biridan hay-hay deganimga qaramay Oliy Kengash deputatligiga nomzodim korsatilmaydimi! Birinchi yigilish Ğazira qishloğimda boldi, boldirmaslikka rayon partiya komiteti xop urindi, ilojini topa olmagandan keyin majlisga uchinchi kotib boshchiligida raykom otryadi etib keldi. Uchinchi kotib, odatdagidek rus kishisi edi, minbarni egallab, xop siyosat qildi. Yashirincha ovoz berasizlar deb turib oldi, saylovchilar konmadi, ochiq ovoz beramiz, deb turib oldi. Odamlar uyğongan edi. Frontovik, veteran chollarni korsangiz, shunaqa qat'iy, shunaqa otashin! Hammasining oğzida men. Ovozga qoyildi – yuz sakson ikki kishidan faqat ikkita qarshi: raykomning uchinchi kotibi bilan pusib otirgan kolxoz raisi; bechora rais bir-ikkita boloxonador sokish eshitib oldi va qolganlar “za!”, ishlar vadavang, ğolib qozozlarni kotarib raykomga delegasiya ketdi, bu yoqdagilar galabani yuvish uchun shay kutishdi, qancha vaqtgacha. Ğalaba deb ketganlarning qilichi sinib qalqoni teshilib, bayroği burun artguday shalvirab qaytib keldi. Raykom u degan, bu degan, ishqilib, nomzodimizni royxatga yaqin ham yolatmabdi. Kolxoz raislarini toplab, “Agar shu A'zamov nomzodi korsatish haqida majlis-pajlis bolib qolsa, katta xolangga qoşhib amminging ammasigacha quritib yuboraman. Kim uni qollasa, panjaradan termiltirib qoyaman!” degan farmoni oliy beribdi. Buni eshitib odamlar ğazabga mindi, ortaga oriyat masalasi ham tushdi, axir, bir yuzu sakson odamning gapi gap, ozi odam emasmi? A, biz kotargan nomzod ozimizdan osib chiqqan yozuvchi, yana jurnalist, tanqidchi, yana publisistikachi ekan-ku. Bu yoqda yana tilimizni davlat tili qilaman deb kurashyapti, (kopning kurashini ham bir kishiga otib ketaveradi qiziq ustida) “Birlik”ning kattasi!

Yana uch-tort joyda men uchun shunaqa maylislar tashkil qilingan, yigilish ahli tepasiga raykom bovaning ozi borib turib olib, otkizdirmagan. Odamlar kotarilib ketmoqchi boldi, har qishloqdan vakillarim bor, shularga aytib, ba'zilarini ozim borib tinchitdim. Men uchun namoyish-pamoyish qilmagnlar, chunki foydasi yoq, raykom degan mashina yanchib otib ketaveradi, dedim. Ozim ham bir natija chiqishiga ishonmagan edim.

Shu bilan sakson toqqizinchi dekabrda edi, saylov boldi, saylovchilar, Biz baribir Ahmad A'zamni saylaymiz, bularingga ovoz bermaymiz deb, ikkovini ham yiqitib yuborishibdi. Bizga delegatsiya keldi, bu ishdan bir nima chiqishiga ishonmayman, desam ham yana Ğaziraga olib kelishdi. Kolxoz klubida yana tumonat, boshqa qishloqlardan ham yigilgan. Yana shu oris raykom sekretari, ozbek sekretari muloyim xunuk odam, bizning qishloq odamlaridan hayiqar ekan. Ur-topolon (mushtlashish emas), baqir-chaqir bilan nomzod korsatish majlisi boldi, bu gal raykom oldingidan ham qattiq tayyorgarlitk koribdi, mening “Birlik”dagi buzğunchi ishlarimdan ma'ruza qildi oris kotib, lekin bu buzğunchiliklar til, mustaqillik haqidagi gaplar aralash bolgani uchun orisning

ma'ruzasi o'zbek tilini davlat tili qilish hammaning orzusiga aylangan bir paytda teskari ta'sir qildi. Xullas, boldi ajoyib tomoshalar, bizning nomzodning rasmiy hujjatlari yana raykomga uchdi. U yoqda boshqa taktika, kaminani otkazmaslik yo'li hozirlab qoyilgan ekan: ikki kunning ichida men bilan birga yana ettita nomzod royxatga olindi.

Qoyil, bolajak soz otishmalarida oldingi jabhada o'gir artilleriya: raykomning birinchi kotibi, rayon ijrokomi raisi, viloyat su'gurtasi boshli'gi, viloyat gazlashtirish idorasi boshli'gi, keyin bir sovxoz direktori, keyin demokratiya uchun SPTU direktori, maktab direktori.

Ana, sakkiz kishidan iborat bir-birini yeyishga tayyor gozallar konkursi boshlandi! Har uchrashuvda hammamizga jami tort soat vaqt ajratilgan, kaminaning ismi sharifi "A"dan boshlangani uchun bizdan boshlanadi, Toshkentdan, yana yozuvchi, jurnalist, adabiy tanqidchi, ta'gin deng, xalqning baxtini naqd qilib turgan "Birlik" liderlaridan, uchrashuvning uch soati menga ketadi, iltimos boshqa nomzodlar ham gapirsin, deb zor'ga qutulaman. Ikki nomzod bu talotumda ko'rinmaydi. Osmondagi oyni va'da qilmayman, lekin turishimning o'zi oydan ham kattasini olib bergulik.

Bu oldingi katta bosqichda saylangan deputatlar birinchi sessiyani otkazishdi, Odamlar "Shu Sherali Joraev bitta konsert bersa, bir maza qilardik, sizga ham ovoz ikki yuz foiz bolib ketardi-da", deb qoymaganidan shu sessiya tanaffusiga etib keldim, hofiz akamizga odamlarning iltimosini etkizdim. Hofizimiz buyuk boshlarini kotarib, turgan joylaridan ko'rinmaydigan buyuk cho'qqilarga nigohlarini tikib, bir o'giz ha ham, yo'q ham demadi. Partiyamiz raisi ozim borib, sizni targ'ib qilaman deb va'da qildi, lekin bormadi, biz bilan kelishgan kuni to'g sayriga, chomilgani o'sha yoqdagi xos saunaga jonab ketgan ekanlar, buni saylovdan keyin kelib bildim.

Lekin bu yoqda ishlar gumbur-gumbur, vadavang edi. Saylov boldi, yetti nomzodning ichidan (raykom sekretari ikki kun qolganda iste'fo berdi, "Oktyabr" kolxozida chiqib, zor'ga tinchitganimiz janjalni men "g'alamis"ga tonkab), qirq to'qqiz foiz ovoz olib keyingi bosqichga otdim, mendan keyingi su'gurta yigirma olti foiz. Lekin osha ukalar, tumanning o'zidan qancha-qancha saylovchilar guruhi vakillari saylov uchastkasiga yaqinlasha olmagan. Kechqurun varaqalarni sanab turilgan joyda ataylab elektr chiroqlari ochdi, Kerosin chiroqlarini topib, yoqib kelgunlaricha, qutilar o'zgargan, to'lmagani to'ldirilgan, qayoqdandir pachka-pachka byulletenlar paydo bo'lgan, xullas. Aralashmagan odamning aqli etmaydigan boldi ajoyib hangomalar. Yarim kechaga borib, su'gurta ellik foizdan oshiq, kamina qirq olti foiz ovoz olib turibmiz-da. (Ha, to'qson to'qqizda bari bir deputat bo'lganimdan keyin osha to'qsoninchi yili saylov komissiyasi a'zosi bo'lgan bir kishi aytib berdi: ikkinchi bosqichda ham yetmish yetti foiz ovoz olgan ekanman! "Sizga juda noinsoflik qilganmiz", dedi osha odam.)

Xullas, oynashmagin raykom bilan, raykom bobini topmasa ham uradi!

Bu maqola nomzodim royxatga olingandan keyin, nomzodning saylov dasturi sifatida yozilib, yana yetti pahlavonning ichida olishib yotgan paytim,

jurnalist doʻstlarimning birodarlik tuygʻulari bilan qoʻllab yuborishidan chiqqan rasmiy chiqish. Ijodkor ukalarim yuzdan nusxada saylov uchastkalariga ham tarqatganlar.

Juda katta adolatsizlik kordim, demokratiyaga oʻtyapmiz deb odamni oyoqosti qilayotganlariga ham guvoh boldim, lekin hozir oylab, konglim hazin bir kayfiyatga chulganadi, bari bir, yoshlik yoshlik ekan, ajoyib zamonlarda yashagan ekanmiz..

Men faqat bir narsaga oʻkinaman: Nazar Eshonqul, Abduvali Qutbiddin, Aziz Said, Salim Ashur, Abduqofur Mamatov, Rahmon Hojimurod, boshqa besh-olti kishi bor edi, shu ukalarimning kutkilanib, saylov uchastkasi hovlisining bu chetida, yol boyida sarqayib otirganlari, Toshkentdan borgan, tanilib qolgan shoir, yozuvchi, jurnalistlarga byurokratik apparat odam deb qaramagani. Hammasidan oʻzi tajang Zohir A'lamning boʻgilishlarini oylasam, e-e odam odam bilan tirik, odamning dardini odam yengillashtiradi deyman. Ha, Samarqand shahridan obkomda ishlasa ham Nurilla Ostonov, viloyat gazetasi mas'ul xodimi Hamza Shukurov ham menga xayrixohlik korsatib turdi. Lekin tumanimizdan juda qalin oʻgaynim jurnalist bor edi, saylov payti qorasini ham korsatmadi, keyin korishganimizda e-e, bularni bilmaysiz, siz ketgandan keyin goshtimni yer edi bular, dedi.

Ha, yana bir gap: choʻchqa sovxozining direktori bittami uchrashuvda qatnashdi-da, bu yozuvchining oldida menga non yoʻq ekan deb qaytib korinmadi, lekin nomzodlar roʻyxatida turaverdi. Viloyat gazlashtirish idorasining boshligʻi esa, “Yashil vodiy” degan roman yozgan yozuvchining oʻgli, bama'ni odam ekan, odamlarning hammasi shu yozuvchi yigitni deb turganda, aralashib nima qildim deb, umuman qorasini korsatmadi. Lekin nomzodini rasman qaytarib olishiga ruxsat berishmagan.

Mana shunaqa, bu maqola osha kunlardagi yutqiziqlardan xotira bolib qoldi.

26 Sentyabr 2012

ISTIQLOL - ISTIQBOL

Dushmanimiz kim?

BIZ MARDLARGA ergashamiz, mardlar bizni kurashga boshlaydi. Lekin, mana qayta qurish maydonidamiz. Roparamizda ozi qanaqa, kuchi qanchaligi noma'lum, tumanga oxshagan lashkar, qayta qurish dushmanlari, deylik. Mardu maydonimiz dushmanga qarab na'ra tortadi, biz ham unga jor hayqiramiz, u hayqirib dushmanga tashlanadi, biz ham hay-haylab botirimizga hamdu sano yoğdiramiz, lekin... joyimizdan jilmaymiz. Koraylik-chi, nima bo'lar ekan, deymiz. Ishongan pahlavonimiz yolğiz olishadi-olishadi, oxiri horib-tolib safimizga bosh egib qaytadi. Uni yolğiz yuborganimizni hisobga olmay juda ranjiymiz."Eplolmasang, otilib chiqishni senga kim qoyibdi, yengilib qaytishni ozimiz ham eplayverardik", - deb bechoraga dashnom beramiz...

Yaqin besh yildan beri ahvolimiz shunga oxshaydi: botir chiqib hayqiradi, jangga otiladi, yengilib qaytadi, biz ham hayqiramiz, lekin joyimizda turaveramiz. Faqat bitta ish qilamiz: dushmanni sokamiz, boralatib fosh qilamiz.

Xosh dushman kim ozi? Qayoqdan paydo boldi u?

Amaldor desak, ular ham anchadan beri amaldorlikka qarshi kurashadilar. Toralar desak, ularning ozlari ham toralikka qarshi ot ochadigan bolib ketganlar. Umuman apparat desak, apparat bir xil emas, uning orasidan ham do'stlar topiladi, qolaversa, shu apparatdan xodimlar chiqib, apparatchilikning ozini qoralaydi.

Yo qayta qurish dushmanlari oz ahvolidan norozi bolib kochaga chiqayotgan odamlarmi? Lekin ularni ham kochaga xalq dardi, hammamizni oylantirayotgan muammolar, qolaversa, qayta qurish dardi kochaga olib chiqqan.

Orol quridi, bog-roğlarimizni paxta yutdi, ayollar ozini yoqdi, zaharlangan erkaklarning belidan quvvat ketdi, yurtimiz qashshoq ahvolga tushdi – bularning hammasini qaysi dushman qildi?

Hozir odamlar amaldorni, toralarni, toralar esa "brejnevchilik-rashidovchilik" deb yaqin otmishni ayblaydi. Sira dushmanni aniqlay olmaymiz. Dushmanga qarshi yalanğochlagan qilichlarimiz esa hadeb oynataverganimizdan ozimizni yarador qilib qoymoqda.

Fosh qilish xastaligi

Aslida bizga boshdayoq qayta qurish emas, fosh etish kirib keldi. Jumhuriyatimizdagi hamma rahbarlarga rahbar etib tayinlangan Usmonxojaev ishni shundan boshladi. Shunga bag'ishlangan maxsus anjuman ham otkazdi. U kishidan quyiroqdagi hamma rahbarlar ikki toifaga: fosh etilgan va fosh etilmagan

amaldorlar qatoriga bōlinib ketdi. Birinchilari qamaldi, ikkinchilari qachon fosh bōlar ekanmiz degan tashvishda qoldi. Yangi kotarilganlari esa shu kunga tushmaslik chorasini qidirdilar, markazdan tashlangan “desant”chilar esa eskiyu yangi rahbarlarni aralashiga fosh etishga tushdilar.

Yurtning ishlari qimirlamay turaverdi. Bugun mamlakat otmishu bugunni taroziga solib, endi qaysi yoldan yuramiz deb chora izlayotgan, demokratiya alifbosiga tartib berayotgan bir paytda biz faqat fosh etish bilan ovora bōldik. Qoshib yozishdan poraxorlikkacha, cholponxonlikdan namozxonlikkacha – hammasining kōziga korsatdik. Kitoblarimizdagi eski sōzlardan tortib, namanganlik munisalarining yopinchiġigacha –barini qayta qurish dushmaniga chiqardik. Dushman etmay qolsa, bizda yashirin islom lashkari bor, degan uydirmalargacha bordik, “olloh”ga “yalla” bilan “alla”ni qoshib qoraladik.

Oxiri, shu fosh etishlarning boshida turganlarning ōzi fosh bōldi. Ammo shuncha fosh etish, shuncha qamash bilan ham dushmanning basharasi ochilmadi, safi ham kamaymadi, “qayta qurish dushmanlari”deb axtarganimizdan natija chiqmadi. Chunki maqsadimizning ōzi teskari – qayta qurish emas, qayta kurash edi.

Nimalarga erishdik?

Erishganimiz shuki, sal-pal ahvolimizni bildik. Lekin shu bilish jarayonida ahvolimiz yaxshilandimi? Umum qama-qama paytida hisobchisidan tortib viloyat firqa qōmitasining rahbarlarigacha tergov berayotgan nohiyaning ayni damda va kelajakda qancha moddiy va ma'naviy zarar kōrishini bir oylab kōrdikmi? Ayni “kampaniya”, chigit ungan, lekin ekinni yoppasiga ot bosgan kezda ertalab sovxoz avtobusini tōldirib shaharga kelgan, tergovxona oldida shomgacha sarġayib, bir-birlariga: “Enli kōpga kelgan tōy, boshga tushganni kōz kōradi, ishqilib, hammamizni bir joyga qamasin-da, ahvolimizdan boxabar bōlib turardik”, - deb hamma narsadan konglini uzib otirgan kolxozchiyu brigadirlarning (yalpi tergov kunlarini eslang) ōshanda qilmagan ishlarini kim qilar edi? Rahbariyatining ishi tegovga olinib yo shubha ostiga tushib. Ishi ōz holiga oylab tashlab qōyilgan jamo va davlat xojaligi, tuman, viloyatlar kōrgan zararni endi kim qoplaydi? Qani ōsha poraxorlardan goyo tortib olingan, Ittifoq ekranidan butun olamga kōz-kōz qilingan tillalar, million pullar? Ular rizqi yulingan bolalarga yo xojaliklari otirib qolgan tumanlarga qaytarildimi? Kimlarga suyov bōldi ōsha pullar?

Ōsha yillari fosh etishlardan paydo bōlgan ma'naviy jarohatlarga endi qanday barham beramiz? Markazqōmitasi kotiblari, Oliy Kengashiyu viloyatlardan tortib xojalik rahbarlarigacha asosli-asossiz qamalgan jumhuriyat, butun millatning erga urilgan oriyatini kim tiklab beradi?

Alal xusus, bu fosh-fosh oqibatida demokratiyadan, qayta qurishdan chalġib, mehnatdan kongli sovib, endi muhim bir paytda qayta boshdan siyosiy savod chiqarayotgan xalqning ōsha paytlari qilolmagan ishlarini kim qiladi?

Oylashning cheki bormi?

Behad murakkab davrda, ko'plab murakkab muammolar o'g'ushida yashayapmiz. Jumhuriyatimizdagi eng zor mavzega, eng zor yashayotgan odamlar yoniga boring – bir dunyo dardlarini ropara qiladilar.

Biz shunday dardlarni elkalab oldingi rahbariyatda katta bir lavozimni egallab turgan bir kishining huzuriga ko'p qatnaganmiz. U kishi dardimizni boshlashimiz bilanoq darrov fikrimizga qo'shilar, “Juda to'g'ri kotaribsiz, haqiqatan ham shunday”, der edi. Biz shunda: “To'g'ri bo'lsa, chorasini qilaylik”, desak, u kishi: “Bunaqasi ketmaydi, chunki masala juda murakkab, jiddiy oylab olish kerak”, derdi. Yanagi uchrashuvgacha u kishidan jiddiy oylash va'dasini olib tarqalar edik. Belgilangan kuni u kishi endi masalaning naqadar murakkabligini bandma-band tushuntirar va endigi uchrashuvda yana bir marta jiddiy oylab olishga chaqirar edi. Bir yilcha qatnadik, dardimiz murakkablashgandan murakkablashib boraverdi, ammo biror natija chiqmadi. Hali ham bizning natija ololmaganimiz juda oson ko'chdi, chunki dardimizga faqat shu kishi chora topishi mumkin edi.

Qayta qurishning bizda kechikkani va shu davr mobaynida yanada yangi-yangi muammolarning toplanib qolganiga sabab ham osha kishiga oxshagan rahbarlarning ko'p vaqti ishga emas, balki masalalarni oylab besamar oylab o'tirganida emasmidi?

Hozir shuncha ko'p aytilayotgan, hatto shuncha bisyor gapirilganidan yechimi topilmayoq kongilga urib ketgan ko'plab muammolar oshkoralik sharofati sifatida osha paytlari kotarilgan, ularni ortaga birinchi tashlagan yozuvchilarning sha'ni millatchi, vaysaqi deb haqoratlangan edi-ku! Orol, ayollarning o'z joniga qasd qilishi, paxta yakkahokimligi, bolalar olimi, ekologik falokatlar, paxtakorning qashshoqligi, sariq, oshqozon raki, o'pka kasalliklari, kamqonlikning ko'pligi jumhuriyatimizning har jihatdan qoloqligi, paxtaning suvtekin ketishi – hammasi osha davrda xalqning dardi sifatida tilga tushgan edi-ku! Nahotki bir murakkab masalani uch-tort yilda yechimini topolmay, bir umr jiddiy oylash kerak bo'ldi? Paxtakorga osha davrda yer berilganida, yashashiga, daromadiga imkon yaratilganida Far'ona, keyin unga aks-sado bo'lgan Boka, Oqqor'gon, Parkent fojialari ehtimol yuz bermasmidi... Ammo yetti oylab emas, yetmish oylagandan keyin ham kesmay, yanada jiddiyoq oylab o'tirishni masalaning murakkabligi bilan sira oqlab bo'lmaydi.

Meros mangumi?

Bizga ota-bobolarimizdan andisha, o'g'ir-vazminlik, bardosh qolgan. Yetmish yil davomida bu fazilatlar asta-sekin mutelikka oxshagan bir loqaydlikka aylandi.

Xayriyatki, ikki qo'limiz bir tepa emas, qimirlagan qir oshar, butifosni mundayro'g'iga almashtirdik, paxta planining osishini to'xtatib, tonnalarini kamaytirdik, terim narxini sadaqanamo oshirdik, tilimizga davlat maqomi, e'tiqodimizga erk tegdi, dehqon bir parcha yerga ega bo'ldi.

Lekin oldingilardan qolgan o'g'ir merosning yuki yengil tortmadi, ming gapirmaylik, tort-besh yillik umri qolgan Orolga suv bormadi, paxta sal qisqargani bilan hanuz yakkahokim, bolalar o'limi kamaymadi, ayollarning ahvoli engillashmadi, tabiatga g'amxorlik avvalgiday quruq gap, atom qabristoni biqinimizda, kimyo korxonalari pinhoni qotilliklarini to'xtatmayotir, qazib chiqarganimiz, yetishtirganimiz hali ham suvtekinga jonatilayotir.

O'g'ir merosning yuki yengil tortadiimi? Hayotimizda ilgariyidan farq bormi?

Insof bilan aytsak, jinday bo'lsa ham, bor! Eng avvalo, besh-olti yil oldin, qayta qurishning boshlarida ham aytolmagan dardlarimizni ochiq aytyapmiz. Ochiq aytish – ko'zimizning ochilishiga, demakki, manaviy uygonishimizga sabab bo'ldi. Eng katta g'alaba – xalq oygondi. Ha, u norozi, lekin bu norozilik yomonlikka ham emas, mehnatkashning aybi ham emas, aksincha, o'z haq-huquqini tanishga olib borayotir. Ha, ayrim keskinliklar ham paydo bo'lmoqda. Bu ham tabiiy, chunki ma'naviy uygonish bilan iqtisodiy o'zgarishlar ortasida katta uzilish bor, har qanday ma'naviy o'sish iqtisodiy rivojlanishdan quvvat olgandagina to'g'ri yo'ldan ketadi.

Mamlakatda, afsuski, demokratiyaning qanot yoyishi iqtisodiy inqirozlar bilan chalkashgan. Bizda ma'naviy soha ul-bul erkinliklarni qolgan kiritdi, qarashlar yangilandi, tuzumga munosabat o'zgarmoqda, boshqaruv sistemasidan tortib rasmiy mafkuragacha yangilanishga qadam qoymoqda. Ana shu erkinlikka iqtisodiy farovonlik hamohang kelganda qayta qurishga buncha ko'p salbiy hodisalar yoldoshlik qilmagan bo'lur edi. Sodda aytganda, odamni uygotgandan song uning avval qornini toyg'azib, songra qoshiq sorash, ish talab qilish kerak edi.

Har holda, bizning uygonishimiz, juda imillab o'zgarayotgan, deylik, hatto ta'minot borasida ortga ketayotganda demokratik turmush tarziga konikishimiz qiyin kochadi. Rahbariyatga ham, xalqqa bu borada sharqona oqillik qol keladi.: rahbarning yuqorida turib olib, qoyi bilan amr-farmon yolida gaplashmasligi, mustaqil, faqat o'zidan yuqorining yori'igiga tushib qolmagan, o'z orasiga tushib jonbozlik qiladigan rahbariyatni xalq ham qo'llashi lozim bo'ladi.

Ilgari ishlar edik, qolgani bilan uncha qiziqmasdik, qiziqishga ham berilmas edik, endi ham ishlayapmiz. Ammo ishlaganimiz qayoqqa ketayotganini surishtiryapmiz, haq-huquqimizga yarasha talab qiyalpmiz, katta o'zgarish bu ham. Faqat bunda talablar deganimiz kun-kundan ortadi, paysallansa, ish orniga nuqul jiddiy oy surilsa, muammolar ham, vaziyat ham jiddiylashib boraveradi.

Bardoshni qancha sinash kerak?

Bir qishloq misolida olaylik. Agar ma'naviyat rivojini bilim olish, oliy ma'lumotni egallash bilan o'lchasak, G'azira jumhuriyatdagi eng yuqori orinni egallaydi. O'zingiz oylang, shu bir cho'g'roq qishloqning o'zidan uch professor, ottiz cho'gli fan nomzodi yetishib chiqqan, ko'payib ketganidan ish topolmay yurgan oliy ma'lumotlilarini sanamaymiz. Ammo qishloq ijtimoiy-iqtisodiy jihatdan juda qoloq, daromad hemiri, ko'chalari abgor, yeri oriqlab ketgan, kasallik

kop, xojalik men esimni tanigandan beri muqim otirib qolgan, yaqin orada kotarilishi ham gumon – sovxozning davlatdan 1,5 million som qarzi bor.

Bu bir misol. Endi Ğazira atrofidagi Soxmon, Sariqipchoq, Xitoybola, Mitan, Qolbosti, Qozoqovul, Xoja, Tegirmonboshi, Tapa, Yangi, Turkman, Dovcharariq, Sherqorĝon, Oĝajon, Ordabozor, Gozay, Nogahon, Qoziguzar, Archa, Dovchar va qoshni Qangli, Juriyat qishloq shorolari hududidagi aholi mavzelari ham bundan avlo emas. Faqat shu qishloqlarning emas, ayrimlarining chala-chulpa gazlashtirilganini hisobga olmasak, tumandagi barcha mavzelarning ahvoli birday. Barida paxta ekiladi, ottiz-qirq yillab surunkasiga ĝoza ostirilgan, quvvati ado boʻlgan. Yetmish ikki yildan beri jomboyliklar boʻl-ha boʻl, tezroq ĝalabaga erishaylik, deb yashaydi, ĝalabasi tushmagur necha marta qolga kirgan, ammo undan daromad yoʻq.

Masalan, “Ukraina”ga tutash xojaliklararo chorvachilik bazasining 4 million, “Pravda” jamoa xojaligining 3,5 million qarzi bor. Ahmadjon Qurbonov nomidagi sovxoz nihoyat bultur daromad bilan buromadni zorĝa tenglashtirdi. Ammo kuzgi terimgacha, bari bir, yana qarz hisobiga yashaydi. “Moskva”, “Oktyabr”, “Kommunizm”, Oxunboboev nomidagi jamoa xojaliklarining ĝaznasi u yildan bu yilga uchma-uch boʻlib qolayotir. Xojaliklarning nonini tuya qiladigan yana bir hisob-kitob bor. Mana, deylik, bir sovxoz davlatga 4 ming tonna paxta topshiradi. Xudo bersa, yil yaxshi kelsa, salqin odatdagidan kechroq tushib, yoĝin boʻlmay qolsa, sovxoz amal-taqal marraga etadi. Plan 100, lekin paxtakorga chashnasi tegadi. Nima uchun? Sababi – “ichki”, xojaliklarning imkoniyati, yer-suv sharoitlari bilan hisoblashmay, yuqoridan tushadigan alohida plan bor. Ya'ni haligi tort ming tonnaning qoq yarmi birinchi navda, ming tonnasi ikkinchi, 500 tonnasi uchinchi, 500 tonnasi tortinchi navda topshirilishi shart, shunda xojalikning oĝziga bir narsa tegadi. Paxtakor terim boshlanishi bilag osmonga moltirab, birinchi navga atigi 200-300, ikkinchisiga zorĝa 800-1000, uchinchisiga 2,5-3 ming tonna, qolganini tortinchi navga topshirishga majbur boʻladi. Oqibatda tonna hisobida zafar quchgan xojalik, tola hisobida maĝlub, qarz ustiga qarz boʻlib, terimdan chiqadi.

Nega bunday? Chunki, birinchidan, yerning kuchi ketgan, ikkinchidan, shu yerlarning ozi paxtaga toĝri kelmaydi, uchinchidan, daryoobod, salqin kuzda seryoĝin iqlim va tortinchidan, ĝoza navlari buzilib ketgan, Jomboy tuproĝi bilan chiqishmaydi. Daromadning qaychilanishida yana bitta, beshinchi sabab ham bor: paxta qabul qilish tartibi, paxta zavodi. Paxta punktlari xojaliklardan birinchi nav paxtani 32-35 foiz, ikkinchi navni 28-32, uchinchi navni 26-28 foiz tola hisobiga oladi. Zavod bulardan tartibi boyicha 2-3 foiz koproq tola chiqaradi-da, foydani ozigaga qoldiradi: unga planni toldirib topshirgan xojaliklarning ahvoli nochor, zavod esa millionlab foyda koradi. Lekin bu hissa xojaliklarning ozigaga tekkanda ham aytarli komak boʻlolmaydi. Shuning uchun, Jomboyda paxtaga, bosqichma-bosqich, oxiri tola barham berish kerak.

Boĝdorchilik, umuman an'anaviy dehqonchilik mahsulotlari etishtirish zarur. Jomboyga tutash, yeri oxshash Samarqand qishloq tumanida dehqonchilik,

boğdorchilikning ayni shu turlari bilan millionlab daromad olayotgan xojaliklar bor. Bultur Ahmadjon Qurbonov nomidagi sovxoz bir gektar paxtadan 2650 som, “Ukraina” esa 1500 som daromad kordi. Lekin ayni shu sovxozlarda, yeryong'oqqa oxshagan ekinlardan, aytaylik bir gektar pomidordan 5 mingdan 8 ming somgacha foyda olgan sohibkorlar bor.

An'anaviy dehqonchilik madaniyatini tiklash bugunoq paxtaning orniga meva-sabzavot ekish, hamma yoqqa olmayu zardoli ko'chatini suqib tashlash emas. Bir gektardan on-on ikki ming som daromad qancha yaxshi bo'lmasin, erdan to'g'ri unib chiqib, davlatdan pul bo'lib qaytavermaydi. Avvalo, paxta industriyasi qanday tiklangan bo'lsa, shunday asta-sekin barham topishi, shuning barobarida an'anaviy dehqonchilikka neki saqlaydigan, quritadigan, qayta ishlaydigan korxonalar kerak bo'lsa, qurilishi, mahsulotni viloyat, jumhuriyat, mamlakat va jahon bozorlariga yetkazadigan tijorat sistemasi yaratilishi kerak.

Tumandagi xojaliklarni kotarish, odamlarning turmush sharoitini yaxshilash yollari korinib turgan bir paytda usullarga mahkam yopishib, nuqul qiyinchilik, murakkabliklarni ro'para qilish quyushqonga sig'maydi. Shusiz ham Jomboyliklarning ijtimoiy, madaniy, maishiy ahvoli, iqtisodi nochor. Ittifoqda eng oxirgi orinni egallagan jumhuriyatimizda ham eng quyi darajada turadi.

“Dokondan bir xalta un oluvdim, mashinamgacha bir amallab keltirdim. Falonchiga: “Kel, shuni yukxonaga ortishib yubor” desam, u negadir indamadi. Xafa bo'ldim, shuyam odamgarchilikmi, dedim. Shundan keyin u yerga qarab, “Jora, to'g'risi, xaltangning yarmisini kotarishga kuchim yetmaydi, sariq bo'lganman, o'zi zor'ga yuribman”, dedi. Gavdasini qarang, o'z qulo'g'im bilan eshitmaganda ishonmas edim. Juda konglim buzildi”, deb hikoya qiladi bir dostim. U menga o'sha yigitni ayab, otini aytmadi.

Shu ahvolda odamlar yashab keladi. Qassoblardan sorang, oyiga bir kilo gosht olishga qurbi yetmaydigan oilalar talay topiladi. Ular ham “Bor”, deydi, lekin qishloqchilik, o'zbekning oriyati yomon, nomma-nom aytmaydi.

Yigirma-ottiz so'mlik maosh, non-choy bilan kun kechirish, oqsil ocharchiligi-yu sariq kasal epidemiyalari, erta bahorning loyi, saratonning jaziramasini, kech kuzning shiltasigacha mehnat qilish, yerga solinadigan, havoga sochiladigan, suvga oqiziladigan yuz turli kimyoviy dorilar – shularning hammasini oylab, bir fikrga kelasan odam – ming rahmat shu xalqqa, hali ham kelajakdan umid uzgani yoq!

Endi mavzuni kengroq olsak, jumhuriyatimizda atigi yuqoridagi tuman shu ahvoldami ijtimoiy-iqtisodiy koksovlik faqat shu qishloqlardami? Aksincha, bunaqa muammolar hamma joyda taxlanib yotibdi. Qolaversa mazkur muammolarni tuman rahbariyatining o'zi qilolmaydi, salomatlik bir tarmoqqa, yo'l boshqa idoraga, gaz bo'lak tarmoqqa, mablag'lar esa boshqa-boshqa manbalarga qaraydi. Ayrim, eng muhimlari esa jumhuriyatga emas, to'g'ridan-to'g'ri Moskvaga boysunadi. Nimjonroq rahbariyat bir narsani undirish uchun bular orasida bor otangga-bor onangga ahvoliga tushadi.

Ammo o'sib borayotgan talablarning tabiati bir xil – mustaqillik soraydi. Jumhuriyat o'zini-o'zi idora qilishi, iqtisodiyotini o'z qo'lga olishi kerak. Shundagina uning kichik mavzellariga, poytaxtdan uzoqdagi qishloqlariga ham ulush tegadi. Ungacha mayda-chuyda komak, ul-bul yordam kampirni upa-elik surtib yoshartirishga urinishday behuda ketadi. Qayta qurishning qayta pardoqlashdan farqi shunda: biz muammolarning sonini sanashdan voz kechib, hammasini jamlab o'ylaganda, bir qilganda paydo bo'ladigan katta, negiz masala – **IQTISODIY MUSTAQILLIKNI** amalga tadbiiq etishimiz kerak Jumhuriyat eng avvalo o'zining yeri, suvi, havosi, yerusti va yerosti qazilma, barcha tabiiy boyliklari, ishlab chiqarish vositalari hamda korxonalari, yetishtiriladigan barcha moddiy va ma'naviy ne'matlarini o'z mulki sifatida qonunlashtirishi shart. Buni qo'g'ozda tan olib, lekin hayotga chalaqonunlar imkonidagi chalatadbirlar tariqasida joriy etilsa, shunda ham poytaxtdan berilgan korsatma tuman beklariga yetib borguncha bir nechta qovun pishiği o'tadigan bo'lsa, unda xalqning nima ahvolga tushishiyu qanday g'azabga kelishini hech kim bashorat qilolmaydi.

ISTIQLOL CHEGARALARI

Bizda yigirmanchi yillar adabiyotida shu so'z ko'p ishlatilgan, keyin arabcha bo'lgani, "milliy istiqlol" deb yondosh ishlatilgani uchun, xavfsirab, tilga olinmay qo'yilgan. Bu so'z "boshqalarga tobe bo'lmay o'z erki bilan yashash, o'zini idora etish" degan ma'noni bildiradi, "mustaqil" so'zi bilan sarfdagi ildizi bitta.

Biz mustaqillik haqida keyingi yillarda ko'p gapiryapmiz. Avval xo'jalik hisobi, korxonalarining erkinligi, hozir, mana, iqtisodiy mustaqillik, to'g'ri, hozircha iqtisodiy sohada.

Mamlakatimizda hozir, ayrim qo'qinishlar bilan bo'lsa-da, ayni shu milliy istiqlol poydevorlarini qayta tiklash jarayoni ketayotir. Iqtisodiy mustaqillik deganimiz ham ayni shu jarayonning bir belgisi, ma'lum bir jihati, xolos.

Biz ishni shundan boshlayapmiz. O'z iqtisodiyotimizni o'zimiz kotaramiz, o'zimizni o'zimiz idora qilamiz, leyapmiz. Jumhuriyatda Prezidentlik lavozimi joriy etilishi ham shuning bir kurtagi, yaxshi bir mujdasi. Shunga muvofiq ravishda yaqin kelajakda ham boshqaruvda talay erkinlik beradigan o'zgarishlar bo'ladi, deb umid qilamiz.

Lekin mavjud ma'muriy-unitar tuzum, markazlashgan federasiya hozircha iqtisodiy sohada bo'lsa-da, **TOLA MUSTAQILLIK** bera oladimi?

Mana, iqtisodimizning asoslaridan biri, tijorat, tovar ayirboshlashdagi muhim mahsulotimiz – paxtani olaylik. Iqtisodiy mustaqil bo'lsak, bir asrlik orzuimiz – paxtani jahon narxlarida sotishga erishamizmi? Nafsilamrini aytganda, bu g'alabani qo'lga kiritish mumkin. Lekin boshqa savol tu'g'iladi: uni kim sotadi – xorijga bevosita jumhuriyatning o'zi sotadimi yoki Ittifoq qozoniga hozirgisidan balandroq narxda topshiradimi? Agar jumhuriyatning o'zi xorijiy davlatlar bilan oldi-berdi qiladigan bo'lsa (bu muqarrar), unda jumhuriyatning xalqaro tijorat ishlarida vakolatidan tashqari, mustaqil diplomatiya huquqi, elchixonalari,

vakolatxonalarini, xalqaro savdo muassasalari, mamlakatlar bilan tovar-pul ayirboshlash muomalalarini yuritadigan mustaqil tashqi savdo banki, shunga muvofiq valyuta jamgarmasi bo'lmo'gi darkor. Busiz iqtisodiy mustaqillik cheklangan – chalamustaqillikka aylanadi, chorakorlik amalda davom etaveradi.

Faqat paxta borasida emas, barcha yetishtiriladigan va tabiiy boyliklarga ham mustaqil egalik qilish ana shunday xalqaro huquqiy maqomga intilishni taqozo etadi. Chunki jumhuriyatning iqtisodiy mustaqilligi faqat Ittifoq miqyosida mahsulot olish va mahsulot chiqarish bilan cheklanmaydi, zero ayni shu kunning ozida o'zbek paxtasi Ittifoq davlati orqali o'nlab xorijiy mamlakatlarga sotiladi. Endi jumhuriyat bilvosida emas bevosita xorij bilan iqtisodiy-moliyaviy aloqalar o'rnatishi, faqat xom ashyo yo mahsulot chiqarmay, balki jahon bozorida uddaburon sotuvchi va tejamli xaridorga aylanishiga, ya'ni jahon muomalasidagi o'z pulidan pul tug'dirib turishiga to'g'ri keladi.

Iqtisodiy mustaqillik o'z navbatida ishlab chiqarish, ichki savdo, tovar ayirboshlash, narx tartibi, pul muomalasi, qishloq xo'jaligi tarkibi, fan, xalq ta'limi kabi sohalarda ham yangilanishni taqozo qiladi. Zero, davlat xo'jalik va ijtimoiy siyosati o'nlab tarmoqlarga bo'linganiga, madaniy-ma'naviy soha talay-talay jabhalarni qamrab olganiga qaramay, yaxlit, misoli shox, novdayu barglari bir tanadan o'sib chiqadigan daraxtday bir butundir, bir tarmoqning o'zgarishi boshqa barcha tarmoqlarning qayta qurilishiga olib keladi. Kichikkina bir misol: Yaponiyani olsak, yaponlarning o'zi mamlakatlarining bugungi mislsiz ravnaqini o'tgan asrda xalq maorifi borasida qilingan isloh natijasi, deb izohlaydilar. Bizda hali bunaqa islohlardan qancha-qanchasini amalga oshirish kerak...

Bizda talablar ham, muammolar ham, ularni hal etishga intilish ham keragicha topiladi. Ammo imkoniyatlar bo'lgani holda ularni yuzaga chiqara oladigan, jumhuriyatning negiz muammolarini Ittifoq va jahon miqyosida tahlil qiladigan, turli sohalarni birgalikda, jamlab mushohada yuritadigan iqtidorli mutaxassislar juda oz. Borlari ham olomon saviyasida turib, xalq bilan bahslashishdan, muammoni yechishdan ko'ra, yechib bo'lmasligini uqtirishdan nari o'tolmayotir. Bugunimiz bundan o'n, yigirma, o'ttiz yil oldin kelajak bo'lgan, shu kelajak aniq reja, fikrlarga emas, shiorlarga qurilgan, ertaga shunday kerakli kadrlar tarbiyalash zarurligi oylanmagan. Mana, ko'ryapmizki, hozirning ilgor iqtisodiy, ijtimoiy, ma'naviy, huquqiy tafakkurini "pishitadigan" yetuk xalq vakillari yo'q hisobida.

Holbuki, istiqlol – eng avvalo oqilona fikr, jahoniy tafakkur, odamlarni olis manzilga chalgitmay yetaklashga qodir bo'lgan teran g'oyalar majmui hamdir. Biz faqat mahsulot ta'minotida emas, fikr ta'minotida ham tanqislikka uchratik...

UMID – ENDIGI O'ZGARISHLARDA, yaqin kelajakka bugun poydevor qoyilishida. Shunda istiqlol chegaralari kengayadi...

1990 yil

“Yosh Leninchi”